

# وجهة نظر

وأهد عش الزعل وأبني بداله قصر  
وأفرش لك الورد باركانه وأضف الحصير  
أثريك لا حس لك حولي ولا لك خبر  
هز الوهم غصنها واستاحشت طير.. طير  
ونقر لحظة غيابك من غيابك دهر  
واكبّل الشوق في حبل الكلام القصير  
والريح تاخذ من أنفاسي وداعك جمر  
والشمس تنثر على دربك رماد الهجير  
والعين تنجت على خدي شواهد قبر  
تلقي على طيفك العابر مساك الأخير  
فيك الرجاء كل ما مديت حبّله قصر  
وأعتقت حلم على حده بديت المسير  
وأصبحت لي فالجياة وفيك وجهة نظر  
خسرت يمكن، ولكني كسبت الكثير  
أقلها كل ما اشوفك تلوم القدر  
أبا أذكر إن الزمن دوار ماله كبير  
إبراهيم عواد البلوي

ياهييه ماني على خبرك طموحي كبير  
والجرح علمني إن الوقت ماله كبير  
هذا أنت خاصمك واستقوى عليك وفجر  
خلاك تكبر مع أحلامك وترجع صغير  
ما تدري إن المكان اللي تركته قفر  
مافيه غير الجمل والجوع والزمهرير  
أعطاه ريي دفا غيرك سحاب ومطر  
لين اكتسى حلة البهجة وفاح العبير  
ماعاد لك فيه لا ماقف ولا مستقر  
لو تجتمع نظرة الحاسد بعين الضرير  
حطيت بينك وبين القلب فجأة نجر  
يجمد على دمها البارد عذاب الضمير  
حتى الوفا غصنه المورق ذبل وانهر  
يوم إن ريح الجنين تهزني واستجير  
وين أنت عني وأنا لثين ليالي سهر  
يمر نومي بعد فرقائك مر النذير  
يجتاحني مشهد غيابك وضوء القمر  
يرسم على شجرة الموعد حمام ويطير  
وأفر من لهفتي وأنسى جميع البشر  
وأحاول أجمع لك حروف العتب واستخير

